

東觀漢記

東觀漢記

御製題武英殿聚珍版十韻

有序

校輯永樂大典內之散簡零編並蒐訪天下遺籍不下萬餘種彙爲四庫全書擇人所罕覩有裨世道人心及足資考鏡者剞劂流傳嘉惠來學第種類多則付雕非易董武英殿事金簡以活字法爲請旣不濫費棗梨又不久淹歲月用力省而程功速至簡且捷考昔沈括筆談記宋慶歷中有畢昇爲活版以膠泥燒成而陸深金臺紀聞則云毘陵人初用鉛字視版印尤巧便斯皆活版之權輿顧埏泥體麤鎔鉛質軟

俱不及錢木之工緻茲刻單字計二十五萬餘雖數
百十種之書悉可取給而校讐之精今更有勝於古
所云者第活字版之名不雅馴因以聚珍名之而系
以詩

稽古搜四庫於今突五車開鐫思壽世積版或充閣張
帖唐院集周文梁代餘同為製活字用以印全書精越

鷓冠體

昨歲江南所進之書有鷓冠子即活字版第字體不工且多訛謬耳

富過鄴架儲

機圓省雕氏功倍謝鈔胥聯腋事堪例埏泥法似疎毀

銅昔悔彼

康熙年間編纂古今圖書集成刻銅字為活版排印歲工貯之武英殿歷年既久銅字或

被竊缺少司事者懼干咎適值乾隆初年京師錢貴遂請毀銅字供鑄從之所得有限而所耗甚多已為非計且使銅字尚存則今之印書刊木此慙予既復羨黎棗不更事半功倍乎深為惜之
還教慎魯魚成編示來學嘉惠志符初

乾隆甲午仲夏

東觀漢記目錄

東觀漢記目錄

武英殿聚珍版

卷一

帝紀一

世祖光武皇帝



卷二

帝紀二

顯宗孝明皇帝

肅宗孝章皇帝

穆宗孝和皇帝

孝殤皇帝

卷三

東觀漢記

目錄

帝紀三

恭宗孝安皇帝

敬宗孝順皇帝

孝沖皇帝

孝質皇帝

威宗孝桓皇帝

孝靈皇帝

案帝紀訖于靈帝隋書經

籍志已有明文孝獻無紀本非闕佚故今不列其目

卷四

年表

百官表

諸王表

案以下四篇全闕

王子侯表

功臣表

卷五

志

恩澤侯表

地理志

律歷志

禮志

樂志

郊祀志

車服志

朝會志

案以下二篇全闕

天文志

卷六

列傳一

外戚

光烈陰皇后

明德馬皇后

敬隱宋皇后

孝和陰皇后

和熹鄧皇后

順烈梁皇后

竇貴人

孝崇閔皇后

孝桓鄧皇后

卷七

列傳二 宗室

齊武王縝

北海靖王興

前史列傳例有附

載如妃嬪附皇后子孫附祖父本書採綴成文入自爲篇故今別爲標目而仍以例附各傳後

北海敬王睦

趙孝王良

弘

梁

城陽恭王祉

東海恭王彊

沛獻王輔

楚王英

濟南安王康

東平憲王蒼

阜陵質王延

廣陵思王荆

中山肅王焉

琅邪孝王京

彭城靖王恭

樂成靖王燾

樂成王萇

下邳惠王衍

孝德皇

平原懷王勝

卷八

列傳三

鄧禹

鄧訓

鄧鴻

鄧陟

鄧悝

鄧弘

鄧閭

鄧豹

鄧遵

吳漢

賈復

賈宗

耿況

耿弇

耿國

耿秉

耿恭

卷九

列傳四

寇恂

岑彭

岑起

馮異

馮彰

朱祐

祭遵

祭彤

祭參

景丹

蓋延

鉞期

卷十

列傳五

耿純

臧宮

馬武

劉隆

馬成

王梁

陳俊

陳浮

傅俊

堅鐔

王霸

任光

任隗

李忠

李純

邳彤

劉植

劉歆

劉嘉

王常

李通

竇融

竇固

竇憲

竇章

卓茂

卷十一

列傳六

郭晨

朱欽

樊重

樊宏

樊條

樊梵

樊準

張況

張歆

張禹

郭況

陰睦

陰識

陰興

陰傳

卷十二

列傳七

馬援

馬廖

馬防

馬光

馬客卿

馬嚴

馬融

馬稜

梁統

梁竦

梁商

梁冀

梁不疑

孫咸

卷十三

列傳八

伏湛

伏盛

伏恭

伏晨

侯霸

宋弘

韓歆

歐陽歆

朱浮

張湛

杜林

張純

馮勤

馮魴

馮石

趙熹

卷十四

列傳九

朱鮪

鮑永

鮑昱

田邑

馮衍

馮豹

王闔

王元

卷十五

列傳十

丁綝

丁鴻

宣秉

宣彪

王丹

王良

申屠剛

鄧惲

郭伋

杜詩

孔奮

張堪

衛颯

茨充

任延

董宣

樊噲

李章

馮駿

鄧讓

卷十六

列傳十一

班彪

班固

班超

班始

鄭興

鄭眾

范升

陳元

桓榮

桓郁

桓焉

桓鸞

桓典

桓礮

張佚

桓譚

劉昆

劉軼

注丹

戴憑

牟長

尹敏

高詡

丁恭

甄宇

張玄

李恭

蘇竟

丁邯

温序

周嘉

劉茂

索慮放

朱勃

樊顯

楊正

崔篆

崔駟

崔瑗

崔寔

倪萌

古初

王琳

蔡順

李業

逢萌

王霸

嚴光

閔貢

周黨

井丹

耿嵩

卷十七

列傳十二

虞延

郭丹

周澤

牟融

孫堪

魏應

劉般

劉愷

郭賀

吳良

劉平

承宮

鍾離意

宋均

朱輔

鮒陽鴻

楊政

薛漢

郇恁

徐匡

張重

姜詩

趙孝

魏譚

李善

卷十八

列傳十三

第五倫

桓虞

鄧彪

鄭弘

袁安

朱暉

韋彪

韋豹

郭躬

鄭均

王景

廉范

王阜

秦彭

玄賀

曹褒

賈逵

江革

召馴

李育

杜安

杜根

杜篤

宋揚

趙興

趙勤

毛義

淳于恭

梁鴻

高鳳

郭鳳

卷十九

列傳十四

張輔

巢堪

魯丕

陳寵

尹勤

魏霸

應奉

鄭璩

韓稜

魯恭

徐防

陳忠

何熙

應順

應劭

樂恢

何敞

梁諷

王渙

黃瓊

張霸

李充

汝郁

郭玉

周榮

李恂

黃香

黃琬

周紆

司馬均

張表

鄭眾

卷二十

列傳十五

張敏

楊震

楊秉

楊賜

任尙

薛苞

馮良

所輔

蔡倫

龐參

李固

張耽

左雄

周舉

張綱

王堂

吳祐

祝良

岑遂

丘騰

韓昭

趙序

孫程

曹光

籍建

卷二十一

列傳十六

胡廣

陳龜

劉祐

李雲

韋毅

宗資

陳蕃

段熲

劉寬

陳球

張奐

陽球

趙咨

荀曇

符融

高彪

范丹

韓卓

曹節

皇甫嵩

王允

趙溫

孔融

蔡邕

周璠

劉翊

郭汜

呂布

蔣疊

須誦

馮模

周行

劉訓

雍儵

梁福

范康

蔣翊

宗慶

郝刪

喜夷

李庸

巴异

卜嗣

陳導

楊喬

翟欣

魏成

畢尋

段普

邢崇

陰猛

羊融

張意

沈豐

蕭彪

陳囂

卷二十二

列傳十七 列女

外裔

鮑宣妻

江伯姊

何奴南單于

柁都夷

西羌

西域

卷二十三

載記

劉玄

公賓就

申屠志

陳遵

劉益子

赤眉

呂母

王郎

盧芳

蘇茂

彭寵

張豐

秦豐

鄧奉

龐萌

隗囂

公孫述

延岑

田戎

銅馬等羣盜

卷二十四

佚文

附東觀漢記范書異同

臣等謹案東觀漢記隋書經籍志稱長水校尉劉珍等撰今攷之范書珍未嘗為長水校尉且此書創始在明帝時不可題珍等居首案范書班固傳云明帝始詔班固與睢陽令陳宗長陵令尹敏司隸從事孟冀共成世祖本紀并撰功臣平林新市公孫述事作列傳載記二十八篇此漢記之初創也劉知幾史通古今正史篇云安帝詔史官謁者僕射劉珍及諫議大夫李尤雜作紀表名臣節士儒林外戚諸傳起建武訖永初范書劉珍傳亦稱

鄧太后詔珍與劉駒駱作建武以來名臣傳此漢記之初續也史通又云劉珍等卒復命侍中伏無忌與諫議大夫黃景作諸王王子功臣恩澤侯表南單于西羌傳地理志元嘉元年復令大中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人寔壽又與議郎延篤雜作百官表順帝功臣絲程郭願及鄭眾蔡倫等傳凡百十有四篇號曰漢記范書伏湛傳亦云元嘉中桓

帝詔伏無忌與黃景崔寔等共撰漢紀延篤傳亦稱篤與朱穆邊韶共著作東觀此漢記之再續也蓋至是而史體粗備乃肇有漢記之名史通又云熹平中光祿大夫馬日磾議郎蔡邕楊彪著作東觀接續紀傳之可成者而邕別作朝會車服二志後坐事徙朔方上書求還續成十志董卓作亂舊文散逸及在許都楊彪頗存注記案范書蔡邕傳邕在東觀與盧植韓說等撰補後漢記所作靈紀及十意又補諸列傳四十二篇因李傕之亂多不

存盧植傳亦稱熹平中植與邕說並在東觀補續
 漢記又劉昭補注司馬書引袁山松書云劉洪與
 蔡邕共述律歷記又引謝承書云胡廣博綜舊儀
 蔡邕因以為志又引謝沈書云蔡邕引中興以來
 所修者為祭祀志范書李賢注稱邕上書云臣科
 條諸志所欲刪定者一所當接續者四前志所無
 欲著者五此漢記之三續也其稱東觀者范書安
 帝紀李賢注引雒陽宮殿名云南宮有東觀寶章
 傳云永初中學者稱東觀為老氏藏室道家蓬萊

山蓋東漢之初著述在蘭臺至章和以後圖籍盛
 于東觀修史者皆在是焉故以名書隋志稱書凡
 一百四十三卷而新舊唐書志則云一百二十六
 卷又錄一卷蓋唐時已有闕佚隋志又稱是書起
 光武訖靈帝今攷列傳之文間記及獻帝時事蓋
 楊彪所補也晉時以此書與史記漢書為三史人
 多習之故六朝及初唐人隸事釋書類多徵引自
 唐章懷太子李賢集諸儒注范書盛行于代此書
 遂微北宋時尚有殘本四十三卷趙希弁讀書附

志邵博聞見後錄並稱其書乃高麗所獻蓋已罕
得南宋中興書目則止存鄧禹吳漢賈復耿弇寇
恂馮異祭遵景丹蓋延九傳共八卷維時有蜀本
流傳而錯誤不可讀上蔡任昉始以秘閣本讎校
羅願爲序行之刻板于江夏郡又陳振孫書錄解
題稱其所見本卷第凡十二而闕第七第八二卷
卷數雖似稍多而核其列傳之數亦止九篇則固
無異于書目所載也自元以來此書久佚永樂大
典于鄧吳賈耿諸韻內並無漢記一語則所謂九

篇者明初卽已不存矣

本朝姚之駟撰後漢書補逸曾蒐集遺文析爲八卷
然所採祇據劉昭續漢書十志補注范書李賢注
虞世南北堂書鈔歐陽詢藝文類聚徐堅初學記
五書又往往掇拾不盡挂漏殊多今謹據姚本舊
文以永樂大典各韻所載參攷諸書補其闕逸所
增者幾十之六其書久無刊本傳寫多訛姚本隨
文鈔錄謬戾百出且漢記目錄雖佚而紀表志傳
載記諸體例史通及各書所載梗概尚一一可尋

姚本不加攷證隨意標題割裂顛倒不可彈數今
悉加釐正分爲帝紀三卷年表一卷志一卷列傳
十七卷載記一卷其篇第無可攷者別爲佚文二
卷而以漢記與范書異同附錄于末雖殘珪斷璧
零落不完而古澤斑斕罔非瑰寶書中所載如章
帝之詔增修羣祀杜林之議郊祀東平王蒼之議
廟舞並一朝大典而范書均不詳載其文他如張
順預起義之謀王常贊昆陽之策楊正之嚴正趙
勤之潔清亦復槩從闕如殊爲疎畧惟賴茲殘笈

讀史者尚有所循則其有資攷證良匪淺鮮尤不
可不亟爲表章矣乾隆四十二年十月恭校上

總纂官侍讀學士臣陸錫熊

侍講學士臣紀昀

纂修官庶吉士臣楊昌霖

東觀漢記卷一

帝紀一

世祖光武皇帝

光武皇帝諱秀高帝九世孫也承文景之統出自長沙定王發王生舂陵節侯舂陵本在零陵郡節侯孫考侯

案考侯原誤作孝侯今從范書城陽恭王社傳及文選李善注改以土地下濕元帝時

求封南陽蔡陽白水鄉因故國名曰舂陵皇考初為濟

陽令有武帝行過宮常封閉帝將生皇考以令舍下濕

開宮後殿居之案范書帝紀李賢注引蔡邕碑云光武將生皇考以令舍不顯開宮後殿居之

與此合范書謂建平元年十二月甲子夜帝生時有赤

光室中盡明如晝皇考異之使卜者王長卜之長曰此

善事不可言是歲有嘉禾生一莖九穗長大于凡禾縣

界大豐熟因名帝曰秀先是有鳳凰集濟陽故宮中皆

畫鳳凰聖瑞萌兆始形于此帝為人隆準日角大口美

鬚眉長七尺三寸在春陵時望氣者言春陵城中有喜

氣曰美哉王氣鬱鬱葱葱范書帝紀望氣者蘇伯阿也年九歲而南

頓君卒范書帝紀南頓君名欽即帝考也隨其叔父在蕭入小學後之

長安受尚書于申大夫廬江許子威資用乏與同舍生

韓子合錢買驢令從者僦以給諸公費大義略舉因學

世事朝政每下案太平御覽每下作美惡必先聞知具為同舍解說

高才好學然亦喜遊俠鬪雞走馬具知閭里姦邪吏治

得失時會朝請舍長安尚冠里南陽大人賢者往來長

安為之邸閭稽疑議案文選李善注閭作問嘗為季父故春陵侯

訟逋租于大司馬嚴尤尤見而奇之時宛人朱祐亦為

舅訟租于尤尤止車獨與帝語不視祐帝歸戲祐曰嚴

公寧視卿耶王莽時雒陽以東米石二千莽遣三公將

運關東諸倉賑貸窮乏又分遣大夫謁者教民煮木為

酪酪不可食重為煩擾流民入關者數十萬人置養贍官以廩之盜發其廩民餓死者十七八人民相食末年

天下大旱蝗蟲蔽天盜賊羣起四方潰畔荊州下江平

林兵起王匡王鳳為之渠率時南陽旱饑而帝田獨收

帝仁智明達案太平御覽遠作遠多權略樂施愛人在家重慎畏

事勤于稼穡兄伯升好俠笑帝事田作比之高祖兄仲

宛太姓李伯玉案以下文事蹟推之李伯玉蓋即李通而范書李通傳止云字次元不言其一

名伯玉是可補其闕略從弟軼數遣客求帝帝欲避之先是時伯

玉同母兄公孫臣為醫伯升請呼難伯升殺之案同母兄公孫

臣司馬彪續漢書及是書李通傳俱作同母弟中屠臣與此異帝恐其怨故避之使來

者言李氏欲相見款誠無他意帝乃見之懷刀自備入

見固始侯案范書李通傳通建武二年封固始侯兄弟為帝言天下擾亂

飢餓下江兵盛南陽豪右雲擾因具言讖文事劉氏當

復起李氏為輔帝殊不意獨內念李氏富厚父為宗卿

師語言譎詭殊非次第嘗疾毒諸家子數犯法令李氏

家富厚何為如是不然諾其言諸李遂與南陽府掾史

張順等連謀帝深念良久天變已成遂市兵弩絳衣赤

幘時伯升在春陵亦已聚會客矣帝歸舊廬望見廬南

若火光以為人持火呼之光遂盛赫然屬天有頃不見
 異之遂即歸宅乃與伯升相見初伯升之起也諸家子
 弟皆亡逃自匿曰伯升殺我及聞帝至絳衣大冠服將
 軍服乃驚曰以為獨伯升如此也仲謹厚亦如之皆合
 會共勞饗新市平林兵王匡王鳳等因率春陵子弟隨
 之兵合七八千人帝騎牛與俱殺新野尉後乃得馬帝
 起義兵案范書帝紀起兵在王莽地呈三年十一月攻南陽暮聞冢上有哭
 聲後有人著大冠絳單衣案此有關文攷范書殺新野尉即在是時使劉終
 偽稱江夏吏誘殺湖陽尉嚴尤擊下江兵案班書王莽傳地皇三年

遣納言大將軍嚴尤案此有陟宗大帝奉糗一斛脯三十胸進
 將軍陳茂擊荆州破下江兵案自此以下皆王莽地皇四年事即更始元年也

圍宛城案自此以下皆王莽地皇四年事即更始元年也王莽懼遣大司徒王
 尋大司空王邑將兵來征更始立以帝為太常偏將軍
 時無印得定武侯家丞印佩之入朝尋邑兵到潁川嚴
 尤陳茂與合尤問城中出者言帝不敢取財物但合會
 諸兵為之計策尤笑言曰是美鬚眉目者耶欲何為乃
 如此初莽遣尋邑欲盛威武以振山東兵甲衝輞干戈
 旌旗戰攻之具甚盛至驅虎豹犀象奇偉猛獸以長人
 巨無霸為中壘校尉自秦漢以來師出未曾有也帝邀

之于陽關尋邑兵盛漢兵反走帝馳入昆陽諸將惶恐各欲散歸帝與諸將議城中兵穀少宛城未拔力不能相救今昆陽卽破一日之間諸將亦滅不同力救之反欲歸守其妻子財物耶諸將怒曰劉將軍何以敢如此帝乃笑且去惟王常是帝計會候騎還言尋邑兵已來長數百里望不見其後尾前已至城北矣諸將遽請帝帝到爲陳相救之勢諸將素輕帝及迫急帝爲畫成敗皆從所言時漢兵八九千人留王鳳令守城夜出城南門尋邑兵已五六萬到遂環昆陽城作營且圍之數十

重

案姚之駟本作數百重參證范書帝紀則百字誤

雲車十餘丈瞰臨城中旗

幟蔽野塵燦連雲金鼓之聲數十里或爲地突或爲衝車撞城積弩射城中矢下如雨城中負戶而汲尋邑自以爲成功漏刻有流星墜尋營中正晝有雲氣如壞山直營而實不及地尺而散吏士皆壓伏時漢兵在定陵郾者聞尋邑兵盛皆怖帝歷說其意爲陳大命請爲前行諸部堅陣帝將步騎千餘前去尋邑軍四五里而陣尋邑遣步騎數千合戰帝奔之斬首數十級諸部將喜曰劉將軍平生見小敵怯今見大敵勇甚奇怪也帝復

進尋邑兵卻諸部乘之斬首數百千級連連勝遂令輕足將書與城中諸將言宛下兵復到而陽墜其書尋邑得書讀之恐帝遂選精兵三千人從城西水上奔陣尋邑兵大奔北于是殺尋而昆陽城中兵亦出中外竝擊會天大雷風暴雨下如注水潦成川澠水盛溢邑大眾遂潰亂奔走赴水溺死者以數萬澠水為之不流邑與嚴尤陳茂輕騎乘死人渡澠水逃去漢軍盡獲其珍寶輜重車甲連月不盡五月齊武王拔宛城齊武王即帝兄伯升後數日更始收齊武王部將劉稷齊武王強爭之遂用

譖愬復收齊武王即日皆物故帝降潁陽雖得入意不安門下有繫馬著鼓者馬驚硯磕鄧晨起走出視之乃馬也帝在父城徵詣宛拜帝為破虜大將軍封武信侯更始害齊武王帝飲食語笑如平常獨居輒不御酒肉坐臥枕席有涕泣處更始欲北之雒陽以帝為司隸校尉先到雒陽整頓官府文書移與屬縣三輔官府吏府吏太平御覽作吏士東迎雒陽者見更始諸將過者已數十輩皆冠幘衣婦人衣諸子繡擁襦大為長安所笑知者或畏其衣奔亡入邊郡避之及見司隸官屬皆相指視之

極望老吏或垂涕曰粲然復見漢官儀體賢者蟻附更始欲以近親巡行河北大司徒賜言帝第一可用更始以帝為大司馬遣之河北十月帝持節渡孟津鎮撫河北安集百姓帝至邯鄲趙王庶兄胡子進狗牒馬臨故趙繆王子臨說帝決水灌赤眉胡子立邯鄲卜者王郎為天子案胡子太平御覽作趙繆王子林攸范書帝紀有趙繆王子林李賢注云東觀記林作臨未知胡子即臨否移檄購求帝十萬戶案以上皆更始元年事王郎追帝帝自薊東南馳案范書帝紀徇薊在更始二年至饒陽官屬皆乏食帝乃自稱邯鄲使者入傳舍傳吏方進食從者飢爭奪

之傳吏疑其偽乃椎鼓數十通給言邯鄲將軍至官屬皆失色帝升車欲馳而懼不免還坐曰請邯鄲將軍入久乃駕去夜止蕪蕪亭大風雨馮異進一笥麥飯兔肩聞王郎兵至復驚去至南宮天大雨帝引車入道旁空舍竈中有火馮異抱薪鄧禹吹火帝對竈炙衣大會真定帝自擊筑案此事范書不載但云帝得任光邳彤等兵降下曲陽北擊中山拔盧奴南擊新市真定防子皆下之則大會真定當即在是時帝率鄧禹等擊王郎橫野將軍劉奉大破之案劉奉范書鄧禹傳李賢注作劉發還過鄧禹營禹進食炙魚帝大餐啗時百姓以帝新破大敵欣喜聚觀見帝餐

昭勞勉吏士威嚴甚厲于是皆竊言曰劉公真天人也
 帝引兵攻邯鄲連戰郎兵挫折郎遣諫議大夫杜長威
案范書帝持節詣軍門帝遣棨戟迎延請人軍見上據
地曰實成帝遺體子興也帝曰正使成帝復生天下不
可復得也況詐子興乎長威請降得萬戶侯帝曰一戶
不可得長威曰邯鄲雖鄙君臣并力城守尚可支一歲
終不君臣相率而降但得全身也辭去而郎少傅李立
反郎開城門漢軍破邯鄲誅郎入宮收文書得吏民謗
毀帝言可擊者數千章帝會諸將燒之曰令反側者自

安也

案反側者歐陽詢藝文類聚作反側子與范書同

帝圍邯鄲未下彭寵遺

米糒魚鹽以給軍糧由是破邯鄲更始遣使者即立帝

為蕭王諸將議上尊號帝不許

案范書帝紀更始悉令罷兵詣行在所帝辭以

河北未平不就徵

帝擊銅馬大破之受降適畢封降賊

渠率諸將未能信賊亦兩心帝敕降賊各歸營勒兵待

帝輕騎入案行賊營賊曰蕭王推赤心置人腹中安得

不投死由是皆自安詔馮異軍鴈門卒萬餘人降之

案

字下原本衍曰字今刪攷范書帝紀及馮異傳俱不載

此詔惟異拒朱鮪李軼時曾北攻天井關拔上黨兩城

則軍鴈門當 帝已乘王豐小馬先到矣而營門不覺

案

十五字上有闕文據范書帝紀建武元年春正月帝擊尤來大槍五幡于順水北乘勝輕進反為所敗賊追急短兵接帝自投高岸遇突騎王豐下馬授帝耿弇頻射御賊得免散兵歸保范陽軍中不見帝或云已沒即也時帝破賊入漁陽諸將上尊號帝不許議曹掾張祉言

俗以為燕人愚方定大事反與愚人相守非計也帝大

笑帝發薊還案是時破尤來大槍五幡賊還也士眾喜樂師行鼓舞歌

詠雷聲八荒震動至范陽命諸將收葬吏士至中山諸

將復請上尊號上奏曰大王社稷為計萬姓為心耿純

說帝曰天時人事已可知矣初王莽時帝與伯叔及姊

婿鄧晨穰人蔡少公燕語少公道讖言劉秀當為天子

或曰是國師劉子駿也帝戲言曰何知非僕耶坐者皆

大笑時傳聞不見赤伏符文軍中所案姚之駟本作傳

章軍中所帝未信到鄙帝所與在長安同舍諸生彊華自長

安奉赤伏符詣鄙與帝會羣臣復固請曰符瑞之應昭

然著聞矣乃命有司設壇于鄙南千秋亭五成陌

建武元年夏六月己未即皇帝位燔燎告天禋于六宗

改元為建武改鄙為高邑詔曰故密令卓茂束身自修

執節惇固斷斷無他其心休休焉夫士誠能為人所不

能為則名冠天下當受天下重賞故武王誅紂封比干

之墓表商容之閭今以茂為太傅封宣德侯

案宣范書卓茂傳作

裹食邑二千戶賜安車一乘衣一襲金五斤冬十月帝

入維陽幸南宮遂定都焉帝破聖公與朱然書曰交鋒

之日神星晝見太白清明

案范書帝紀未即位前使馮異寇恂破更始大司馬朱鮪

軍即位後使鄧禹破更始定國公王匡軍此云交鋒未知何時又朱然太平御覽作伯叔本文似有訛脫

二年春正月益吳漢鄧禹等封自漢草創德運正朔服

色未有所定高祖以十月為正以漢水德立北時而祠

黑帝至孝文賈誼公孫臣以為秦水德漢當為土德至

孝武見寬司馬遷猶從土德自帝即位按圖讖推五運

漢為火德周蒼漢赤木生火赤代蒼故帝都維陽制兆

于城南七里北郊四里行夏之時時以平旦服色犧牲

尚黑明火德之運常服徽幟尚赤四時隨色季夏黃色

議者曰昔周公郊祀后稷以配天宗祀文王以配上帝

圖讖著伊堯赤帝之子俱與后稷竝受命而為王漢劉

祖堯宜令郊祀帝堯以配天宗祀高祖以配上帝有司

奏議曰追跡先代無郊其五運之祖者故禹不郊白帝

周不郊帝嚳漢雖唐之苗堯以歷數命舜高祖赤龍火

德承運而起當以高祖配堯之後元復于漢宜以時修

奉濟陽城陽縣堯帝之冢雲臺致敬祭祀之禮儀亦如
之帝遣游擊將軍鄧隆與幽州牧朱浮擊彭寵隆軍潞
浮軍雍奴相去百餘里遣吏上奏言寵破在旦暮帝讀
檄未竟怒曰兵必敗比汝歸可知吏還未至隆軍果為
寵兵掩擊破浮軍遠不敢救以兵走幽州咸曰上神

三年帝征秦豐幸舊宅

案范書帝紀及岑彭傳春三月帝自將南征夏四月破斬鄧奉

五月還宮令岑彭等南擊秦豐秋七月大破之于黎丘至冬十月乃幸春陵此牽連書之殊未明晰冬十

月帝幸春陵祠園廟大置酒與春陵父老故人為樂以
皇祖皇考墓為昌陵後改為章陵以春陵為章陵縣

書帝紀改春陵鄉為章陵縣在隗囂上書報以殊禮建武六年此蓋通後事言之

四年夏五月帝幸盧奴為征彭寵故也自王莽末天下
旱霜連年百穀不成元年之初耕作者少民饑僅黃金
一斤易粟一石至二年秋天下野穀旅生麻菽尤盛或
生菘菜果實野蠶成繭被山民收為絮採獲穀果以為
蓄積至是歲野穀生者稀少而南畝亦益闕矣

五年初起太學諸生吏子弟及民以義助作帝自齊歸

范書帝紀是時平張步歸也幸太學賜博士弟子有差

六年春二月吳漢下朐城案范書帝紀蓋平董憲龐萌也天下悉定惟

獨公孫述隗囂未平帝曰取此兩子置度外乃休諸將
置酒賞賜之每幸郡國下輿見吏輒問以數十百歲能
吏次第下至掾史簡練臣下之行下無所隱其情道數
十歲事若案文書吏民驚惶不知所以人自以見識家
自以蒙恩遠臣受顏色之惠坐席之間以要其死力當
此之時賊檄日以百數憂不可勝帝猶以餘閒講經藝
發圖讖制告公孫述署曰公孫皇帝囂雖遣子入侍案
書帝紀隗囂遣子恂入侍在五年冬十二月尚持兩心囂故吏馬援謂囂曰
到朝廷凡數十見案本書馬援傳作凡十四見自事主未嘗見明主

如此也材直驚人其勇非人之敵開心見誠與人語好
醜無所隱諱圖講天下事極盡下思兵事方畧量敵校
勝濶達多大節與高帝等經學博覽政事文辯前世無
比囂曰如卿言勝高帝耶曰不如也高帝大度無可無
不可今上好吏事動如節度不飲酒囂大笑曰如卿言
反復勝也案范書馬援傳囂信援故遂遣長子恂入質
此敘援言于囂遣子入侍之後與范書異
代郡太守劉興將數百騎攻賈覽上狀檄至帝知其必
敗報書曰欲復進兵恐失其頭首也詔書到興已為覽
所殺長史得檄以為國家坐知千里也

七年春正月詔羣臣奏事無得言聖人又舊制上書以青布囊素裹封書不中式不得上既上詣北軍待報前後相塵案塵太平連歲月乃決帝躬親萬幾急于下情乃令上書啓封則用不得刮璽書案刮璽太平取具文字而已奏詣闕平旦上其有當見及冤結者常以日出時騶騎馳出召入其餘禹中使者出報即罷去如神遠近不偏幽隱上達民莫敢不用情追念前世園陵至盛王侯外戚葬埋僭侈吏民相效寢以無限詔告天下令薄葬

八年閏四月車駕西征河西大將軍竇融與五郡太守

步騎二萬迎帝隗囂士眾震壞皆降囂走入城案人太平

西作吳漢岑彭追守之

九年春正月隗囂餓出城餐糗糝腹脹死

十一年幸章陵修園廟舊宅田里舍案文選李善注作

十二年吳漢引兵擊公孫述案范書帝紀吳漢伐公孫

月下入犍為界云云乃在次年正月入犍為界小縣多

城守未下詔書告漢直擁兵到成都據其心腹後城營

自解散漢意難前獨言朝廷以為我縛賊手足矣案此

未明晰遣輕騎至成都燒市橋案范書吳漢傳漢攻廣都拔之遣輕騎燒成都

疑有誤市橋故下詔書有堅守廣都之語此不載漢拔廣都當是脫佚武陽以東小城營皆奔

走降竟如詔書漢兵乘勝追奔述距守詔書又戒漢曰

成都十萬餘衆不可輕也且堅據廣都城去之五十里

待其即營攻城罷倦引去乃首尾擊之勿與爭鋒述兵

不敢來轉營即之移徙輒自堅案此下范書吳漢傳有漢違詔而敗事此不載

當是十一月衆軍至城門述自將背城而戰吳漢鼓之

述軍大破刺傷述扶輿入壁其夜死夷述妻子傳首于

洛陽縱兵大掠舉火燔燒帝聞之下詔讓吳漢副將劉

禹曰城降嬰兒老母案文選李善注嬰作孩口以萬數一旦放兵

縱火聞之可為酸鼻家有敝帚享之千金禹宗室子孫

故嘗更職何忍行此仰視天府視地觀于放麇啜羹之

義二者孰仁矣失斬將弔民之義案矣太平御覽作且又議漢殺

述親屬太多是時名都王國有獻名馬案虞世南北堂書鈔作建武十

三年是時屠者國獻名馬寶劍直百金馬以駕鼓車劍以賜騎士苑

囿池籟之官廢弋獵之事不御雅性不喜聽音樂手不

持珠玉衣服大絹而不重綵征伐嘗乘革輿羸馬公孫

述故哀帝時案此下未明晰攷范書述傳云哀帝時述以父任為郎又云述少為郎習漢家制度

出入法駕鑾旗旄騎陳置陛戟然後輦出房闈正與此文相備即以數郡備天子用述

破益州乃傳送瞽師郊廟樂葆車乘輿物是後乃稍備

具焉述伏誅之後而事少閒官曹文書減舊過半下縣

吏無百里之繇民無出門之役

十三年封殷紹嘉公為宋公周承休公為衛公

案范書帝紀建

武二年封周後姬常為周承休公五年封殷後孔安為殷紹嘉公至是改封

十四年封孔子後孔志為褒成侯

十五年詔曰刺史太守多為詐巧不務實核苟以度田

為名聚人田中并度廬屋里落聚人遮道啼呼

案范書帝紀十

五年詔下州郡檢核墾田頃畝及戶口年紀十六年河南尹及諸郡守十餘人坐度田不實皆下獄死又劉隆傳天下墾田多不以實戶口年紀互有增減十五年詔下州郡檢覈其事而刺史太守多不平均或優饒豪右侵刻羸弱百姓嗟怨遮道號呼隆坐徵下獄此所載詔文未完

十七年帝以日食

案范書帝紀日食在二月乙亥晦日

避正殿讀圖讖多

御坐廡下淺露中風發疾苦眩甚左右有白大司馬史

病苦如此不能動搖自強從公出乘以車行數里病差

四月二日車駕宿偃師病差數日入南陽界到葉以車

騎省留數日行黎陽兵馬千餘匹遂到章陵起居平愈

鳳凰五高八尺九寸毛羽五采集潁川羣鳥從之蓋地

數頃畱十七日乃去范書帝紀鳳凰見在冬十月宿牛馬放牧道無拾遺

十九年帝下詔曰惟孝宣皇帝有功德其上尊號曰中宗幸南陽汝南至南頓止令舍大置酒賜吏民復南頓田租一歲吏民叩頭言皇考居此日久陛下識知寺舍每來輒加厚恩但復一歲少薄願復十歲帝曰天下重寶大器常恐不任日慎一日安敢自遠期十歲復增一歲

二十年夏六月帝風眩黃痺病發甚以衛尉關內侯陰

興為侍中興受詔雲臺廣室甘露降四十五日案日太平御覽

作里

二十五年烏桓獻貂豹皮詣闕朝賀

二十六年春正月詔曰前以用度不足吏祿薄少今益其俸自三公下至佐使各有差四月始營陵地于臨平亭南詔曰無為山陵陂池裁令流水而已迭興之後亦無丘壘使合古法今日月已逝當豫自作臣子奉承不得有加乃令陶人作瓦器又曰臨平望平陰河水洋洋舟船泛泛善矣夫周公孔子猶不得存安得松喬與之

而共遊乎文帝曉終始之義景帝所謂孝子也故遭反
 覆霸陵獨完非成法耶初作壽陵將作大匠竇融上言
 園陵廣袤無慮所用帝曰古帝王之葬皆陶人瓦器木
 車茅馬使後世之人不知其處太宗識終始之義景帝
 能遵孝道遭天下反覆而獨完其福豈不美哉今所制
 地不過二三頃無為陵池案初作壽陵以下至此見太平御覽與前段互有異同故
 並纂入帝常自細書一札十行報郡縣旦聽朝至日晏夜
 講經聽誦坐則功臣特進在側論時政畢道古行事次
 說在家所識鄉里能吏次第比類又道忠臣孝子義夫

節士坐者莫不激揚悽愴欣然和悅羣臣爭論上前嘗
 連日皇太子嘗乘間言陛下有禹湯之明而失黃老養
 性之道今天下大安少省思慮養精神帝答曰我自樂
 此時城郭丘墟掃地更為帝悔前徙之案范書帝紀建武十五年徙鴈

門代郡上谷三郡民置常山居庸以東二十年省五原郡徙其吏人置河東二十五年南單于奉蕃稱臣二十六年遣中郎將段郴授南單于璽綬令入居雲中于是雲中五原朔方北地定襄鴈門上谷代八郡民歸于本土遣謁者分將弛刑補理城郭所謂掃地更為者此也
 草創苟合未有還人案此亦指
 雲中等八郡民歸本土者言蓋是年雖遣民歸本土而歸者甚少至二十七年趙憲上奏復緣邊諸郡幽并二州由是而定民始徙盡

三十年有司奏封禪詔曰災異連仍日月薄食百姓怨
嘆而欲有事于太山汚七十二代編錄以羊皮雜貂裘
何強顏耶

三十二年羣臣復奏宜封禪遂登太山勒石紀號改元
爲中元

中元元年

案中元元年卽建武三十二年也改
范書帝紀實以夏四月己卯改元

帝幸長

安祠長陵還雒陽宮是時醴泉出于京師郡國飲醴泉
者痼疾皆愈獨眇蹇者不瘥有赤草生于水涯郡國上
甘露降羣臣上言地祇靈應而朱草萌宜命太史撰具

郡國所上帝不聽是以史官鮮紀冬十月甲申使司空
馮魴告祠高祖廟曰高皇呂太后不宜配食薄太后慈
仁孝文皇帝賢明子孫賴福延至于今宜配食地祇高
廟今上薄太后尊號爲高皇后遷呂太后于園四時上
祭是歲初起明堂靈臺辟雍及北郊兆域宣布圖讖于
天下

二年春二月戊戌帝崩于南宮前殿在位三十三年時
年六十二遺詔曰朕無益百姓如孝文皇帝舊制葬務
從省約刺史二千石長皆無離城郭無遣吏及因郵奏

太子襲尊號為皇帝羣臣奏諡曰光武皇帝廟曰世祖

三月葬原陵

帝詔曰明設丹青之信廣開束手之路

案此詔見文選李善注范書不

載未知何時所下

功臣鄧禹等二十八人皆為侯封餘功臣一

百八十九人

案范書帝紀建武十三年功臣增

帝以天

下既定思念欲完功臣爵土不令以吏職為過故皆以

列侯就第恩遇甚厚遠方貢甘珍必先徧賜列侯而大

官無餘有功輒增封邑故皆保全帝封新野主子鄧汎

為吳侯

案范書鄧晨傳晨娶光武姊元漢兵敗小長安元遇害光武即位追封諡元為新野節義長公

主封晨長子汎為吳房侯李賢注云吳房今豫州縣也此作吳侯與范書異

伯父皇皇考姊

子周均為富波侯

案封均事

外祖樊重為壽張侯

案范

宏傳建武十八年追爵諡重為壽張敬侯

重子丹射陽侯

案范書樊宏傳丹

孫茂平望侯

案范書樊宏傳茂以建武二十七年封

尋立鄉侯

案范書樊

建武十三年封從子冲更父侯

案范書樊宏傳冲作忠亦建武十三年封

后父陰睦

為宣恩侯

案本書陰睦傳睦以建武二年追爵范書子

識原鹿侯

案范書陰識傳識就信陽侯

案范書陰興傳

侯後收封新陽侯此作信陽與范書異而

皇考女弟子

來歙為征羌侯

案范書來歙傳歙以建武十一年沒後追封

弟由宜西鄉侯

案范書來款傳由寧平公主子李雄為新市侯案范書

以建武十三年封通娶光武女弟伯姬是為寧平公主雄通少子李通傳

也又范書稱雄封召陵侯而不詳初封之年后父郭

昌為陽安侯案范書郭后紀子沈縣曼侯案范書郭

流作況縣曼作縣案范書郭后紀以竟蠻以建武二年封后紀以竟兄子竟新鄴侯匡發干侯案范書郭

武十七年后從兄弟皆于建案范書郭后紀以竟姨子馮邯為鍾離侯案范書郭

帝蒙犯霜雪雖發師旁縣人馬席薦羈絆皆有成賈而案范書郭

貴不侵民樂與官市漢以炎精布耀或幽而光帝既有案范書郭

仁聖之明氣勢形體天然之姿固非人之敵翕然龍舉案范書郭

雲興三雨而濟天下蕩蕩人無能名焉案姚之駟所輯

是書八卷既多

挂漏且與劉昭續漢書志補注李賢後漢書注所引之

文互有異同又如光武紀中或稱公或稱王或稱世祖

前後參差今畫一更正兼攷虞世南北堂書鈔歐陽詢

藝文類聚徐堅初學記諸書所載各條此略彼詳取其

詳者詳略相等從其善者依年月編次或

年月無攷則彙綴于篇末如序贊之例

東觀漢記 卷一 三

東觀漢記卷一

東觀漢記卷二

帝紀二

顯宗孝明皇帝

孝明皇帝諱陽一名莊世祖之中子也建武四年夏五

月甲申帝生豐下銳上項赤色有似于堯世祖以赤色

名之曰陽幼而聰明睿智容貌莊麗十歲通春秋推誠

對師傅無以易其辭

太平御覽作十三年通春秋七循其頭曰吳季子陽對曰愚戇無

比及阿乳母以問師傅曰少

徵誠對師傅無以易其辭母光烈皇后初讓尊位為

貴人故帝年十二以皇子立為東海公時天下墾田皆

不實詔下州郡檢覆百姓嗟怨州郡各遣使奏其事世祖見陳留吏牘上有書曰潁川弘農可問河南南陽不可問因詰吏吏抵言于長壽街得之世祖怒時帝在幄後曰吏受郡敕當欲以墾田相方耳世祖曰卽如此何故言河南南陽不可問對曰河南帝城多近臣南陽帝鄉多近親田宅踰制不可爲準世祖令虎賁詰問乃首服如帝言遣謁者考實具知姦狀世祖異焉數問以政議應對敏達謀謨甚深溫恭好學敬愛師傅所以承事兄弟親密九族內外周洽世祖愈珍帝德以爲宜承先

序十七年冬十月詔廢郭皇后立陰貴人爲皇后帝進爵爲王十九年以東海王立爲皇太子治尚書備師法兼通九經略舉大義博觀羣書以助術學無所不照中元二年春二月世祖崩皇太子卽位

永平元年帝卽阼長思遠慕至踰年正月乃率諸王侯公主外戚郡國計吏上陵如會殿前禮長水校尉樊儵奏言先帝大業當以時施行欲使諸儒共正經義頗令學者得以自助于是下太常將軍大夫博士議郎郎官及諸王諸儒會白虎觀講議五經同異封太后弟陰興

之子慶為銅陽侯慶弟博為隱強侯案原本作陰興為銅陽侯子博隱強侯今據范書陰興傳校改陰盛為無錫侯楚王舅子許昌龍舒侯

二年春正月辛未宗祀光武皇帝于明堂帝及公卿列

侯始服冕冠衣裳祀畢升靈臺望雲物大赦天下詔曰

登靈臺正儀度案文選李善注引是書永平二年詔文與此同改范書帝紀是月大赦詔有升

靈臺望元氣吹時律觀物變云云至三年正月詔曰朕

奉郊祀登靈臺見史官正儀度下文為春者歲之始云

云可證是書所載詔文由傳寫脫佚者甚多三月初臨辟雍行大射禮冬十

月幸辟雍初行養老禮詔曰十月元日始尊事三老兄

事五更朕親袒割牲案文選李善注引是書詔文與此同改范書帝紀亦不止此四句

帝尤垂意經學刪定擬議稽合圖讖封師太常桓榮為

關內侯親自制作五行章句每饗射禮畢正坐自講諸

儒並聽四方欣欣是時學者尤盛冠帶搢紳遊辟雍而

觀化者以億萬計甲子西巡幸長安祠高廟遂有事于

十一陵歷覽館舍邑居舊處會郡縣吏勞賜作樂有縣

三老大言陛下入東都臣望顏色儀容類似先帝臣一

懼喜百官嚴設如舊時臣二懼喜見吏賞賜識先帝時

事臣三懼喜陛下聽用直諫默然受之臣四懼喜陛下

至明懲艾酷吏視人如赤子臣五懼喜進賢用能各得

其所臣六懼喜天下太平德合于堯臣七懼喜帝令上
殿欲觀上衣因舉虎頭衣以畏三老帝曰屬者所言削
章不如飽飯十一月詔京兆右扶風以中牢祀蕭何霍
光出郡錢穀給蕭何子孫在三里內者悉令侍祀
三年春二月圖二十八將于雲臺冊曰剖符封侯或以
德顯秋八月詔曰尚書璇璣鈴曰有帝漢出德洽作樂
名予其改郊廟樂曰大予樂樂官曰大予樂官以應圖
讖冬十月帝與皇太后幸南陽祠章陵周觀舊廬召見
陰鄧故人帝在于道所幸見吏勞賜省事畢步行觀部

暑不用輦車甲夜讀衆書乙更盡乃寐先五鼓起率常
如此

四年春二月詔曰朕親耕于藉田以祈農事

五年冬十月幸鄴趙王栩會鄴常山賜錢百萬

六年廬江太守獻寶鼎出土雒山納于太廟詔曰易鼎
足象三公豈非公卿奉職得理乎太常其以禘祭之日
陳鼎于廟以備器用

八年冬十月上臨辟雍養三老五更禮畢上手書詔令
尚書僕射持節詔三公

九年詔為四姓小侯置學

十年夏閏四月行幸南陽祠章陵以日北至復祠于舊宅禮畢召校官子弟作雅樂奏鹿鳴上自御塤簋和之以娛嘉賓至南頓勞養三老官屬是時天下安平人無徭役歲比登稔百姓殷富粟斛錢三十牛羊被野

十二年以益州徼外哀牢王率眾慕化地曠遠置永昌郡

十三年春二月帝耕藉田禮畢賜觀者食有諸生前舉手曰善哉文王之遇太公也帝書版曰生非太公予亦

非文王也

十四年帝作壽陵制令流水而已陵東北作廡長三丈五步外為小厨財足祠祀帝自置石椁廣丈二尺長二丈五尺

十五年春二月東巡狩癸亥帝耕于下邳三月幸孔子宅祠孔子及七十二弟子親御講堂命太子諸王說經幸東平王宮帝憐廣陵侯兄弟賜以服御之物又以皇子輿馬悉賦予之

十七年春甘露仍降樹枝內附芝生前殿神雀五色翔

東觀漢記 卷二 五 朱攸 校
集 師正月當謁原陵是夜帝夢見先帝太后如平生
歡夢中喜覺因悲不能寐明旦帝令百官採甘露悉會
公卿表賀奉觴上壽太常丞上言陵樹葉有甘露帝率
百官上陵甘露積于樹取以薦受賜畢上從席前伏御
牀視太后鏡奩中物流涕敕易奩中脂澤妝具左右皆
泣莫能仰視

十八年秋八月帝崩于東宮前殿在位十八年時年四
十八謚曰孝明皇帝葬顯節陵十二月有司奏上尊號
曰顯宗廟與世宗廟同而祠祫祭于世祖之堂共進武

德之舞如孝文皇帝祫祭高廟故事自帝卽位遵奉建
武之政有加而無損初世祖閔傷前世權臣太盛外戚
預政上濁明主下危臣子漢家中興惟宣帝取法至于
建武朝無權臣外戚陰郭之家不過九卿親屬勢位不
能及許史王氏之半至永平后妃外家貴者裁家一人
備列將校尉在兵馬官充奉宿衛闔門而已無封侯預
朝政者自皇子之封皆減舊制嘗案輿地圖皇后在旁
言鉅鹿樂成廣平各數縣租穀百萬帝令滿二千萬止
諸小王皆當略與楚淮陽相比什減三四曰我子不當

東觀漢記 卷之二 與先帝子等又國遠而小子王善節約謙儉如此

肅宗孝章皇帝

孝章皇帝諱炆孝明皇帝第五子也永平三年年四歲以皇子立為太子幼而聰達才敏多識世事動容進止聖表有異壯而仁明謙恕溫慈惠和寬裕廣博親愛九族矜嚴方厲威而不猛既志于學始治尚書遂兼五經周覽古今無所不觀由是明帝重之每事諮焉以至孝稱孜孜膝下永平十八年明帝崩帝即位建初二年詔齊相止勿送冰紈方空穀吹綸絮

四年冬十一月詔諸王諸儒會白虎觀講五經同異元和元年日南獻白雉白犀帝行幸救御史司空道路所過歷樹木方春日無得有所伐輅車可引避也

二年春二月帝東巡狩泰山至于岱宗柴望秩山川羣神畢白鶴三十從西南來經祀壇上孔子後褒成侯等咸來助祭大赦天下祀五帝于汶上明堂耕于定陶幸魯祠東海恭王及孔子七十二弟子禮畢命儒者論難還幸東平王宮涕泣沾襟五月詔曰乃者白鳥神雀屢

臻降自京師

案文選李善注引是書詔文與此同攷范書帝紀作五月戊申詔曰乃者鳳凰黃龍

鸞鳥比集七郡或一郡再見及白鳥神雀甘露屢臻祖
宗舊事或班恩施其賜天下吏爵人三級云云則是
所載詔文亦不止此
二句而為寫脫佚 是年鳳皇見肥城岷亭槐樹上三

足鳥集沛國白鹿白兔九尾狐見

三年代郡高柳烏子生三足大如雞色赤頭上有角長

寸餘美陽得銅酒樽朱色青黃有古文

帝賜尚書劔各一手署姓名韓稜楚龍泉郅壽蜀漢文

陳寵濟南鍛成一室納兩刃其餘皆平劔其時論者以

為稜淵深有謀故得龍泉壽明達有文章故得漢文劔

寵敦樸有善于內不見于外故得鍛成劔皆因名而表

意
案此條見范書韓稜傳其頒賜年月無攷

明德太后姊子夏壽等私呼虎賁張鳴與敖戲爭鬪帝

特詔曰爾虎賁將軍蒙國厚恩位在中臣宿衛禁門當

進人不避仇讐舉劄不避親戚今者反于殿中交通輕

薄虎賁蘭內所使至欲相殺于殿下避門內畏懦恣縱

姑不遂捕此皆生于不學之門所致也
范書不載此事故下詔之年

月無攷

元和二年以來至章和元年凡三年鳳凰三十九見郡

國

章帝時鳳凰見百三十九麒麟五十二白虎二十九黃

龍三十四案范書帝紀李賢注引是書云黃龍見肥城句嶽亭槐樹上蓋其一也青龍黃

鵠鸞鳥神馬神雀九尾狐三足烏赤烏白兔白鹿白燕

白鵲甘露嘉瓜秬秠明珠芝英華萃朱草連理宮日月

不絕載于史官不可勝紀案此條與上一條俱似景志符瑞之文今附綴紀後

序曰書云孝乎惟孝友于兄弟聖之至要也乾乾夕惕

寅畏皇天帝王之上行也明德慎罰湯文所務也密靜

天下容于小大高宗之極至也肅宗兼茲四德以繼祖

考臣下百僚力誦聖德紀述明詔不能辨章豈敢空言

增廣以累日月之光

穆宗孝和皇帝

孝和皇帝諱肇章帝之中子也母曰梁貴人早薨帝自

岐嶷至于總角孝順聰明寬和仁孝章帝由是深珍之

以為宜承天位年四歲以皇子立為太子初治尚書遂

兼覽書傳好古樂道無所不照章和二年春二月章帝

崩太子即位

永元元年詔有司京師離宮園池悉以假貧人

二年春二月壬午日食時史官不覺涿郡言之單于乞

降賜玉具劍羽蓋車一駟中郎將持節衛護焉

三年詔曰高祖功臣蕭曹為首有傳世不絕之誼曹相

國後容城侯無嗣朕甚愍焉望長陵東門見二臣之墓

生既自節終不遠才道臣受寵古今所同案范書帝紀作見二臣之

寵循其遠節每有感焉忠義獲寵古今所同與此稍異遣使者以中牢祠大鴻臚

悉求近親宜為嗣者須景風絕封以彰厥功

四年夏六月大將軍竇憲潛圖弑逆庚申幸北宮詔收

捕憲黨皆下獄使謁者收憲大將軍印綬遣憲及弟篤

景就國到皆自殺

五年春正月宗祀五帝于明堂遂登靈臺望雲物大赦

天下自京師離宮果園上林廣成園悉以假貧人恣得

捕不收其稅六月郡國大雨雹大如鴈子

六年秋七月京師旱幸洛陽寺錄囚徒舉冤獄未還宮

而澍雨

九年冬十月改殯梁皇后于承光宮儀比敬園初后葬

有關竇后崩後乃議改葬

十年夏五月京師大雨南山水流出至東郊壞民廬舍

十一年帝召諸儒魯丕與侍中賈逵尚書令黃香等相

難丕善對事罷朝持賜履襪

十二年象林蠻夷攻燔官寺秭歸山高四百餘丈崩填

谿水壓殺百餘人冬十一月癸酉夜白氣長三丈起國

東北指軍市是月西域蒙奇疏勒二國歸義

十三年春正月上日帝以五經義異書傳意殊親幸東

觀覽書林閱篇籍

元興元年夏五月右扶風雍地裂冬十二月帝崩于章

德前殿在位十七年時年二十七葬順陵廟曰穆宗

朝無寵族政如砥矢惠澤沾濡鴻恩茂悅外憂庶績內

勤經藝自左右近臣皆誦詩書德教在寬仁恕並治是

以黎元寧康萬國協和符瑞八十餘品帝讓而不宣故

靡得而紀

孝殤皇帝

孝殤皇帝諱隆和帝之少子也和帝皇子數十生者輒

夭故殤帝養于民元興元年冬十二月和帝崩是日倉

卒帝生百餘日乃立以為皇太子其夜即位尊皇后鄧

氏為皇太后帝在襁褓太后臨朝詔省桂弱平簞

延光元年八月帝崩于崇德前殿年二歲葬康陵

孝殤襁褓承統寢疾不豫天命早崩國祚中絕社稷無
 主天下嗒然賴皇太后孔子稱有婦人焉信哉案此乃
帝紀之

東觀漢記卷二

